

TSHISSENIKAKUAN uemut tekuanni utipenitamunuu anitshenat Ushkat ka taht innuat tshetshi takuaimatishuht mak tshetshi tipenimifishuht eka tshatapamikutau tshishe-utshimaua;

TSHISSENIKAKUAN matshi-tutuakanipana innuat nemenu ushkat ka takushinniti kauapishniti ka tshimutamakutau ka ishi-kanuenitahk, minuut ekue utinakaniti nitassinana mak nutim ka ishi-pakassiat, ekue eka tapuetakanit tshetshi takuaki nitipenitamunnana mak ekue aikam minimiht Utauu-tshishe-utshimau mak Uepishfikueiau-tshishe-utshimau nenua takuaima-tsheuna ka mishta-matshi-tutakuht nitauassiminanat mak nikanishinanat;

ITENITAKUAN eukuan uet pikupaniiti nitaimunnana, nitaitunnana mak eishinakuak anite mamu enniuiat kie apu minupaniat anite shuniat mak anite etaiat, eukuan etutakuat tshetshi eka minuinuiat, tshetshi eka shutshenimuiat, tshetshi eka minuenimuiat, tshetshi pikupaniiti nitipenitamunnana anu iapataki mak tshetshi eka minupaniht nitauassiminanat mak nikanishinanat nete aishkat;

TSHISSENIKAKUAN tsheshepeutakanniit ka tapishniht uikanishimauat, ka aitutakaniht auassat, etenimifishuht, innu-aitunnu mak innu-aimunnu, eukuanu anu e apatak uiauitakaniiti nitipenitamunnana iapashiat tshetshi takuaimatishuht mak tshetshi tipenimifishuht eka e tshita-pamimih tshishe-utshimau;

TSHISSENIKAKUAN eshi-tshishepeutakanniit umeni tipenitamuna mak nitauassiminanat utipenitamunuu miam neni tipenitamuna ka ishinnuanut shashish mak ka mashinatet ashit ka tapuetakanit anite ka patshitiinakaniit aimun 35 ka itashtet, anite *Tshishe-utshimau-takuaitshu-mashinaikaniit ka tutakanit neme 1982 etashtet pipun*;

TSHISSENIKAKUAN menuaniit eshi-natukuiaht, eshi-shuenimaht mak eshi-shatshiaht anitshenat Ushkat ka taht innuat auassa uesh ma nashatamuat nenu ueshkat ka aitinanunit;

TSHISSENIKAKUAN ne *Mashinaikan anite ka uitahk Tshishe-utshimauat Ka Mamuiht nenua innua utipenitamunnua mak Tapuetatun ka tutahk Tshishe-utshimauat Ka Mamuiht tshetshi uauitakanniiti auassa utipenitamunnua*, mak ashit kutaka atusseukana ka tutakaniti anite mishue assit, ekute anite uiauitakanniiti passe utipenitamunuu uikanishimauat mak auassat, nikan e ashtakanniit nenu tan tshe ui aitiht Tshishe-utshimauat;

TSHISSENIKAKUAN tapuetamupana tshishe-utshimauat anite ka utshimau-aiminanunit tshetshi nashatahka ka ishi-pimutenanunit *Jordan* eshnikatenit mashinaikannu anite uatakanniit tshe ui aitinanunit nemenu 2007 ka itashtenit pipunnu, muk^o apu nita ut tshitsheue nashatahka nenu anitshenat Utauu-tshishe-utshimau mak Uepishfikueiau-tshishe-utshimau;

TSHISSENIKAKUAN uemut tekuak tshetshi aieshkushtakanit tshe itatussenanut e minu-uitakanit, e minu-apatak mak uatshiuat neme uiauitakanniiti auassat utipenitamunuu iapitinnit anite eshi-pikutahk auassat mak uikanishimauat e nashatakaniti mamu e tananut ashit uitshinnua auen mak ashit kutaka innua;

TSHISSENIKAKUAN innu-utshimauat ka taht anite Ka mamuiht nenua Ushkat ka taniti innua tapuetamuat mak uauitamuat umenu *Mashinaikannu anite ka uitakanniiti anitshenat Ushkat ka taht utauassimuu utipenitamunnua* tshetshi aieshkuana nitauassiminana tshetshi matau-pikutaniti, tshetshi katshishishniti mak tshetshi ishpitenitakushniti anite nitinnu-assinat mak anite mishue etananunit, nanitam e ui tshissitutakanit uet tutakanit tshetshi anu minupaniht innuat nete aishkat;

TSHISSENIKAKUAN ume *Mashinaikan anite ka uitakanniiti anitshenat Ushkat ka taht utauassimuu utipenitamunnua*, eukuan tshe itapashtakanit :

- tshetshi uitakanniiti utipenitamunuu innu-auassat;
- tshetshi minu-uitakanniiti tshe ui aitutakutau auassat uikanishuua mak nenua innua ka taniti anite utassiat;
- tshetshi uitakanniit tan tshe ui aitatusseht mak tshekuannu tshe ui tutahk neni atusseutshuapa mak anitshenat katakuaitsheshiht anite nitinnu-assinat ashit anitshenat innu-utshimauat ka apiht anite Ka mamuiht nenua Ushkat ka taniti innua;
- tshetshi uitamuakaniht tan tshe ui aitiht Utauu-tshishe-utshimau mak anitshenat tshishe-utshimauat tatipan etaht anite mishue *Canada*-assit mamu tshatapatamuataui utipenitamunnua innu-auassa;

TSHISSENIKAKUAN apu tshi ashpashishimuatshenanut ume mashinaikan tshetshi tutakanit tshakuan, etenimakaniti innuat tapuetamuat nenua takuaimatshuena ka tutaminiti Utauu-tshishe-utshimaua mak nenua tshishe-utshimaua tatipan ka taniti anite mishue *Canada*-assit, eka iapatenitakanniiti innuat utipenitamunuu mak eishi-pikutahk kie nitauassiminanat mak nikanishinanat utipenitamunuu;

TSHISSENIKAKUAN etutakanit ume mashinaikan, ashpashishimuatshenanu innuat utipenitamunuu mak eishi-pikutahk mak apu ui tutakanit tshetshi pikunakanniiti utipenitamunuu mak eishi-pikutahk;



MASHINAIKAN

anite uatakanniiti utipenitamunnua anitshenat utauassimuu Ushkat ka taht innuat

EUKUAN UET tapuetahk mak uauitahk innu-utshimauat ka taht anite Ka mamuiht nenua Ushkat ka taniti innua anite Uepishfikueiau-assit mak *Labrador (APNQL)* nenu *Mashinaikannu anite uitakanniiti anitshenat Ushkat ka taht innuat utauassimuu* utipenitamunnua tshetshi ishpish kanuenitaminiti mitshimnu nenua nutim etashniti innu-auassa eshk^o eka kutunuepipuneshniti/peikunuepipuneshniti ashu nishuash, mak tshetshi kanuenitaminiti matshunisha mak anite tshe apinili kie tshetshi natukuakanniiti; tshetshi tshishepeutakanniiti mak tshetshi nakatuenitakanniiti ua shutshenimunit mak ua minuinuiniiti; tshetshi uauitshiakanniiti, tshetshi minu-tshishkutamuakanniiti innu-aitunnu, tshetshi ashu-patshitiinakanniiti utinnu-aimunnu mak tshetshi minuanit utshishkutamatshuennu – eukuanu anu e apatanniiti nitauassiminanat utipenitamunuu tshe ishpish inniut.

Anu minuut, eukuanu umenua innu-auassat utipenitamunuu kie eukuan tshe ui tutaminiti uikanishuua, utshinuemakanuu mak kassinu nenua ka taniti anite innu-assit, atusseutshuapa ashit katakuaitsheshniti utshipaniti anite Ushkat ka taniti innua tshetshi ishpitenitakanniiti innu-auassat utipenitamunuu :

1. Kassinu etashiht auassat enniutau, shash takuannu utipenitamunuu tshetshi tshishepeutakaniht, tshetshi shatshiakaniht mak tshetshi shushiteieshkuakaniht, tshetshi petuakaniht mak tshetshi tapuetakaniht, tshetshi metuatsheht metueuna mak tshetshi taht anite ka metue-nanunit, mak ashit tshetshi minu-natukuakaniht, tshetshi minu-ashamakaniht, tshetshi takuanniit anite tshe apiht mak tshetshi tshishkutamuakaniht e nashatakanniit utinnu-aitunnu mak nakana ka aitiht.
2. Kassinu auass takuannu utipenitamun tshetshi eka mashikuakaniht mak tshetshi eka metuatshehtanunit ushtikuan, tshetshi tshishepeutakaniht tshetshi eka matshi-tutuakaniht mak tshetshi eka aikamiakaniht tshetshi atuatshet uiau, mak tshetshi eka uepenimakanit, tshetshi eka uakatakanit nenu eshinniut, tshetshi eka upime anakanit nenu eshinniut mak tshetshi eka matshikaushkatuakaniht kie ma tshetshi eka pikunakaniht.
3. Takuannu utipenitamunuu nitauassiminanat tshetshi kanuenitahk ishnikashunnu mak eshi-uiniitshuht; takuannu utipenitamunuu tshetshi uitapimait nenua uetshit uikanishuua mak tshetshi eka tatipan-nakaniht, mak takuannu tshetshi nishtuapamait utshinuemakanuu mak uitshinnuu, tshetshi nishtuapatahka utinnu-assiuu kie innua eshinniunit miam uinuau; kassinu umenua apatannua tshetshi itenitahk auassat miam menu-utinakanit mak tshetshi katshishishniht kie tshetshi nanitam taht innuat, tapishkut ka ishinniut innuat mak tshetshi shaputue innuimamak nitinnu-aitunnu.
4. Takuannu utipenitamunuu nitauassiminanat tshetshi tshishkutamuakaniht nitipatshimunnannu, nitinnu-aitunnu, nitinnu-aimunnu,

nakana ka ishi-tapueienitamat mak ka itenitamat, kie takuannu utipenitamunuu tshetshi minu-apashtahk nenua tshetshi anu minupaniht mak tshetshi taniti auennua menushniti anite utinniunuat tshe uapatinihuht tan eshi-minuinnuanunit.

5. Takuannu utipenitamunuu nitauassiminanat tshetshi eka katshitakuht animishunnu anite uitshuht, tshetshi eka nanitam minnanunit kie ma tshetshi eka utinakaniti kamatshikaanniiti etataui, tshetshi eka nutepanit e minu-nakatuenimakanit, e minu-natukuakaniht, e aitutakaniht mak e apatenimakanit uesham tshika tshi mishta-katshitakuht anite e nitutshihit uiauut mak umitenitshikanuat.
6. Anitshenat auassat ka matshi-tutuakaniht, eka ka minu-nakatuenimakanit, eka ka taniti uikanishuua mak ka neshueningamiakaniht, takuannu utipenitamunuu tshetshi natukuakaniht, aitutakaniht mak uauitshiakaniht tshetshi minuinuht, minuenimuht, mak tshetshi ishpitenimakanit, anite etenimifishuht mak tshe minuenimuht nete aishkat.
7. Uikanishimauat takuannu tshetshi minuanit eitutuht utauassimuu iapit eshk^o eka inniunit, nanitam tshika ui minuanu aitutauashuht mak eshpish shuenimaht miam eshi-nutepaniti nenu eshpitshiniiti mak tshetshi uitshiaht e minupanniiti anite etenimaniiti auennua, tshetshi minu-ashamait, tshetshi takuanniit anite tshe uitshiniiti, tshetshi tshishkutamuakanniiti mak tshetshi natukuakanniiti.
8. Tshetshi shutshiteieshkuakaniht mak tshetshi uauitshiakaniht napeuat mak ishkuuat uiauitshiaht nitauassiminana mak nenua nitshinuemakanana mak tshetshi uauitshiakaniht atusseutshuapa ka atussehtahk nenu, innuat tapishkut ka ishinniut miam ninan mak nitinnu-assinana, mak kutakat ka atusseuiaht auennua, tshika ui tapuetamuat mak iapit tshika ui tshishkuuat natuenitamakutau ukupaniemuua tshetshi aueshniti uia uauitshiaushniti anite shetshen ka aitutakanniiti auassa, kassinu anite katshishkutamatshuapit mak innu-assit.
9. Ukanishimauat uemut tshika ui mineuat utauassimuu e minuanit anite tshe taniti mak e shutshenitakuanniit kie e minuanit anite e kanuenimakaniti, tshetshi tshishkutamuat utauassimuu pikatuna nenu ua akua tutatshunanunit mak tshetshi minu-nakatuenimaht.
10. Anitshenat ka taht nitassinat, tapishkut innuat eshinniut, nutshimananat mak nikatakuaitsheminanat iapit tshika ui nakatuenitamuat tshetshi ishpish minuanit netukuakanniiti, eshamakanniiti, tsheshpeutakanniiti, tsheshkutamuakanniiti mak e shutshiteieshkuakanniiti nitauassiminana tshetshi nikan ashteniti menuaniiti tapueienitamuna mak menuaniiti itenitakushuna, tshe uitshikuht tshetshi katshishishniht mak tshetshi minuinuht etaht anite nitassinat mak anite mamu innuat eshinniut.

11. Nenu eitutuakaniht auassat mak e minuinuht, miam ka ishi-uitakanniiti tipenitamuna ute mashinaikaniht, eukuanu nenu tshe ui tshitapatahk anitshenat ka taht innu-assit, kie nutim tshika ui tshitapameuat auassa epinili anite tshitassinat muk^o anite uetshipanniiti kie ma muk^o anite eshpish minekash taniti, kie tshika ui tshitapameuat kutaka innua muk^o etaniti.
12. Tshetshi uapatiniuenanut eshpish ui minu-tutshihit nitauassiminanat mak anitshenat ka apiht anite nitassinat, mak tshetshi uemut tshishepeutitshihit auassat, nutim etashiht anitshenat Ushkat ka taht innuat tshika ui mamishitshemuat muk^o eishinakuanniit eshi-matshitutuakanniiti auassa, uesh ma tshisshenitakuan, ninan innuat tapishkut ka ishinniut, nenu auass eitiit mak eshpitenitakanniit eshi-nutepanit mak utipenitamuna, atshitakannu nenu eitiit uikanishimauat, innu-assi mak innuat tapishkut eshinniut, ushkat ui katshitaikannu tshetshi tshishepeutakanniit eshi-uiniitshuht, innu-aitunnu, aitinanunit nutshimit mak innu-aimunnu.
13. Anitshenat innu-utshimauat ka mamuiht takuannu tshetshi nikan ashtahk mak tshetshi uauitahk nenua ua tshishepeutakanniiti, ua ashineiakanniiti mak ua minu-tutuakanniiti nitauassiminana mishue ka taniti Uepishfikueiau-assit, miam etashtenit ute mashinaikaniht, mak ashit nenua nutim ka aitinanunit, ka aishi-patshitiinakanniiti, Utauu-takuaimatshuena kie Uepishfikueiau-takuaimatshuena, atusseutshuapa ka uauitshiaushinanunit mak tshishkutamatunnu, iapit anite nutim ka ishi-takuanniiti kaia-tussenanunit anite nitinnu-assinat mak anite tapishkut innuat ka ishinniut.
14. Anitshenat innu-utshimauat ka mamuiht tshika ui kutshipanitauat eshpish tshi tutahk tshetshi nanitam tshishepeutahk nitauassiminana, miam etashtenit ute mashinaikaniht, mak ashit tshika ui akua tutamuat mishkut eka nenu muk^o e tutahk, tshetshi nakatuenitahk tshetshi minuinuiniiti auassa, tshika ui shutshiteieshkuuat uikanishimaua tshetshi natuenitaminiti tshetshi uauitshiakanniiti auassa tshetshi eka aitinili kueshtikuanniit mak e nakatuenimakaniti auassa anite utshinuemakanuu kie ma kutaka innua etaniti innu-assit miam nakana innuat ka ishi-kanuenimaht auassa, takuanniiti tshetshi ishinkuanniit, tshetshi minuinuht mak minuenimuht auassat.

15. Anitshenat innu-utshimauat ka taht anite ka mamuiht innua tapuetamuat tshetshi nashatakanniit *Jordan* ka ishnikatenit eshi-pimutenanunit anite uatakanniit tshe ui aitinanunit, mak mishta-natuenitamueuat Utauu-tshishe-utshimaua mak Uepishfikueiau-tshishe-utshimaua tshetshi nashataminiti nenu tshetshi aitutakanniiti kassinu etashniti innu-auassa miam eshinkuanniit anite utaitunniit, mak tshetshi eka kushtinakanniiti, tshetshi eka ueshami-minekash ashuapatakanit miam tekuanniiti matshipanituna anite kauaeshtakanit kie ma anite shuniau uiauitakaniit.

16. Takuannu utipenitamunuu nitauassiminanat, nikanishinanat, mak ashit innuat tapishkut eshinniut miam ninan mak innu-assia, tshetshi ishpish patshitiinakaniht shunianu tshetshi minupaniht anite ka aishi-natuenitakanniiti tshekuana mak tshetshi uetshit takuaitsheshit anite miam e tshi natuenitak auen tshetshi natukuakaniht, tshetshi tshishkutamuakaniht, tshetshi metuet mak tshetshi uauitshiakaniht.

Mashinatautishunanipan neme 10 e tshishtauakanit uapikun-pishim^o 2015 ka itashtet pipun anite innu-assit Essipit. Miam ne *Mashinaikan anite ka uitakanniiti utipenitamunuu auassat* ka tutakanit anite Innu-takuakaniit anite *Wikwemikong* ui ishinkutakanipan ume mashinaikan.

